

沈乃文 主編

明別集叢刊 第二輯

第二十一冊

黃山書社



國家出版基金項目
NATIONAL PUBLICATION FOUNDATION

「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第二十一冊

黃山書社



(明)林大輅 撰

愧瘖集二十一卷

明嘉靖四十年林敦履刻本

林二山先生愧

余嘗竊恠宋



學者談只及吏事不及文章謂

文章止於潤身政事可以及物然

則聖門仕學之訓非耶要之茲

二者皆係於才天弗兼身人惡

能強之某國之勤荆國之文君

子有遺憾焉甫先輩尚矣余所

兄事若二山林公居然負兼才

云公自妙齡解褐官工曹即優

工曹疏忤

武皇南巡瀟州倅即優州倅今

上應遷長臬藩即優臬藩

款撫三楚晉中丞即又優中丞

雖薄領堆案而飲羣以藉研詞藝

恒有餘暇既閱災投効歸結廬

烏石梅峯之文優游偃息二十

有七年益得以覃思舊業務高

厲遠騁不欬作晉唐後塵嘗評

海內詞彥僅許吾閩鄭禮曹少

各詩滋中崔太史後渠文蓋公

愧瘖集

卷

三

準古超今槩有同者第鄭之詩

平公之詩碩庶鄭之文典公之文真

大抵均名家已抑余聞之製器

苟匪切於人雖緻未必售立言

苟匪關於世雖工未必傳游獵

之疏流民之奏後世孰不甘而其

直美人遲暮之辭瓊樓玉宇不

滕寒之調後世孰不慕其忠公
平生直道

國憂民垂老不易念見於斯集
視昔之數賢殆若符節後千百
祀當與並傳奚疑焉余自公楚
歸叨托論文之契乘興還往或
同遊名山輒有賦贈六十五生日又

愧齋集 一序

三

辱壽言今篇什具存人則不可
作矣孤敦履等刻成請余序曰
愧齋公自志云嗚呼公醞藉以
文章鳴雖弗究何愧於為士靖
共以諫諍鳴雖蒙譴何愧於為
臣厥聲有四達而願托於瘖其不
伐耶其追訟耶噫是又可以觀

公之所養矣

嘉靖辛酉冬十一月望日布齋
子柯維騏再拜書于烏山草堂

愧齋集 一序

四

林二山先生愧瘖集序

文者身之章也必根諸中發諸外和順於道德而理於義始謂天下之至文日月星辰天之文也而陰陽為之根山川草木地之文也而剛柔為之根人稟天地之精并得其文聖人又秀出

愧瘖集

序

一

林二山先生

乎茅夷獨全其所稟故能弘敷性靈陶冶三極曲成萬彙其文薰灼乎宇宙故為天下之至文三墳五典八索九丘之書可見也後世若司馬相如揚雄班固之徒其文此不工也然皆不根於性靈不出於道德故猶剪綵

以為花塑泥以象人不但非生

意之自然其於治道亦何補乎

聖人不可及矣而忠臣義士居

官立朝嘉謨宏論足以救時政

格君心有補於國家生民以不

可以典謨訓誥而少之也吾宗

中丞二山先生幾身正德中官

愧瘖集

序

二

水部值

武皇南狩與駕部黃先生輩

同部蔣先生山卿何先生道遵以

名言匡

主盡室

詔獄廷杖濱死乃謫夷陵應試

請羅茂宣督績嘉靖甲午始

陟都憲巡撫荆湖時水滂頻仍
五穀不登百姓饑食加以大工方
興民苦搬運先生左提右挈極力
緜撫見民不堪命疏實自劾請停
工作遂罷歸田方疏至京公卿
聞之駭異咸求稿於余不得見
者謂必得罪已而果然蓋先生

愧瘖集

序

三

直欲以身殉國官之得失弗計
也先生既歸遂絕口不言當世事
閉戶觀書或時斗蓬短衣與朋
舊登山遊玩論文賦詩飲酒為
樂然而忠貞天植故憫時憂世
之念未嘗少輟聞及時事輒為
潛淚平生著作自筮仕以至歸

田詩若文凡若干卷題曰愧瘖
集余得而讀之見其在仕途者
皆忠憤激烈而多依阿取容之態
在林居者皆沖適雅淡而多憤
時嫉世之心南巡自劾二疏直言
勁節尤人所難是皆根於性靈
出於道德足以救時匡主有補於

愧瘖集

序

四

國家生民此騷人墨客風雲月
露之作也若先生者真可謂振
古人豪濟時賢相而投閒二十
七年存章文上竟不獲究厥用
余重為斯世斯民惜也故述其平
生履歷序于編端以為天下告
先生諱大輅字以乘正德甲戌

進士二山其別號云

嘉靖庚申歲孟夏四月朔旦族
生希元茂貞父拜書于鳳山之退
修堂

愧瘖集 序

五

傳

林大輅字以乘號二山城東人九牧蘊之
後監察御史熊之玄孫也登正德甲戌進
士授工部主事轉員外郎已卯歲

武宗降

旨南巡兵部郎中黃鞏等疏諫下鞏等疏首
六人

詔獄餘同跪伏

闕下待罪大輅偕同官蔣山卿何遵上疏論

愧瘖集 一傳

救謂願與諸臣同效死并下

詔獄有

旨廷杖謫外繼而隣舍因隙誣奏怨望復破
繫連及室人幸白而釋吏部補夷陵州判
凡謫官者率自矜不親簿領大輅曰一日
食祿當一日盡職吾敢暇逸烏於是踏隱
田以甦平民賠賦徭役輕重罔或弗均撫
按遂以他邑諸務委之頗效勤瘁

世宗登極

詔徵入擢江西按察僉事久而擢副使嘗攝南贛兵備錄平寇功賚金幣擢河南按察使未幾擢右布政湖廣左布政隨擢本省巡撫副都御史甫歲餘屬水災荒歉民多流徙加之

藩封工役諸需告匱大輅引咎自劾言觸時忌罷歸飄然還山以讀書養親為娛然聞時事可駭愕輒撫膺痛哭家居二十七年柄國之日非結交鮮得進大輅累被薦竟

愧瘖集

一傳

二

報罷厚於宗族親舊有事極力扶之多與有司忤時論謂大輅孤忠大節可尚又優於文辭有愧瘖集若干卷享年七十四卒子敦復廕歷都勻府知府卒于任第大輪領鄉薦今任餘杭縣知縣

右載郡志并莆陽文獻

今志稍改數言

傳

淑人黃氏永豐里石庭人副都御史林大輅妻也大輅官工部員外郎時疏救黃鞏百杖幾死黃氏朝夕焚香祝天冀回聖怒夫得生還而鄰人衛尉修夙怨誣以咀呪

聞

上大怒復

詔下大輅獄并逮黃時男敦復才四歲徒跣抱託所親哭謂之曰此吾夫一塊肉幸善

愧瘖集

一傳

三

視之赴大廷對鞫銅拶鉄箠備極慘酷至斷指不肯招鞫者諷之曰其速招可毋受楚黃哭曰妾祝天毋他念惟冀

皇輿勿出以蹈不測之危耳且妾夫為諫臣妾敢妄招咀呪

君父以貽諫臣羞嘗獄中與大輅訣曰妾孕身

不任刑自必死爾

君恩未報變白在家幼兒莫知存亡可自勉力萬勿以妾為念未幾產一男於獄中隨不

育都人聞而壯之五閱月小人以罪去事
得白夫婦俱出觀者環堵拱手相慶稱爲
鐵夫人云特正德己卯秋八月也

右載郡志

愧齋集 一傳

行狀

通議大夫都察院右副都御史二山林公行
狀

希齋柯維騏 南京主事

先生林姓諱大輅字以乘二山其別號云系
出唐九牧邵州刺史忠烈蘊公之後世居材
行聯桂自十九世有妣趙氏節孝載在通誌
中撫遺孤真寶公卜遷烏山下今所居後墻
廳利是已是生公高祖永樂進士山東道侍

愧齋集

行狀

五

御史熊公侍御直道性時家居四壁生禮公
有隱德禮生郡學生先衛公以公貴贈右副
都御史配方氏贈太淑人生公之父易夫公
號招唐唐翁多善慶一日遇虬髯丈人語之
曰而貌愿而心古栩栩于于無吟無封吾號
君招唐可乎翁喜而拜遂號焉累封都察院
右副都御史配封太淑人許氏淑德通靈亦
猶之翁也公生倜儻不羈宏材曠度貧益嗜
義所館穀輒捐與昆弟婚唐翁偕太淑人喜

曰兒分匪戡兒之志則人所難也族大父貞
肅公俊每每器之每謂族人是兒文允吾宗
夫正德癸酉鄉薦甲戌登進士授工部主事
督兩宮工竣奉命權商于杭會歲儉權常數
不盈大司空廉公笑而謂之若已知而心不
苦人矣勅諸司補之尋轉員外郎已卯三月
上欲巡視泰岱歷徐揚抵南京下蘇浙浮江漢
登武當且遍觀中土繁麗都下人情恟恟時
寧藩久蓄異謀俟釁而發中外咸以為憂于

愧瘖集

八行狀

六

是兵部郎中黃公鞏暨副郎陸公震等疏諫
下鞏等跪首六人詔獄同跪伏

闕下待罪禍且不測公即草疏論救客有諷之
曰方今官府勢分中涓左鐔持太阿以犄犄
天下成化間網猶寬也杖者重裘疊氈床褥
數月今者襦衣之端啓杖下無完軀矣君飄
飄萬里外北堂垂白鴿原寡和竊為君憂之
公以事關社稷奚恤死生遂率同官何公道
蔣公山卿同效死極諫論及邪佞從吏奸雄

覲覲收直臣之元氣安九廟之神靈

上竟大怒併下詔獄數月獄杖廷杖爾時陸公
震何公遵等十餘人死之車駕遂不果出江
彬之謀稍阻公與諸臣論救力也方公之始
下獄淑人黃朝夕焚香祈禱蓋冀

皇心之悟與公生還也而鄰舍修夙姤乘隙誣
奏怨望波及室人連繫獄中公之瀕危屢矣
幸白而釋謫夷陵判過家懷慰二人時黃公
鞏奪職歸蒲跡不及城府時或泛舟訪公與

愧瘖集

八行狀

七

貞肅林公簡肅方公雲莊道槩几杖徘徊江
山生色望者謂之龍門及抵夷陵夷陵固荒
邑也名流左官之所大率養高不親簿領公
曰吾一日服官一日盡職何暇逸為于是採
踏隱田以豁賠賦遠或月至近或日至山居
谷飲朝夕風露徭役輕重罔不均輸墨池舊
景純注雅池垣於豪家公復之建書院以禮
諸生公餘夜講一時文風自歐陽文忠後為
之丕振三峽狂濤吹鯨駭浪公預為振援之

術自是無弗援之溺無奪貨之橫舟行者未
賴焉蜀人高江陵邏卒捕訊誣服以抵劫庫
之罪公陰察其狀心憐其寃立爲開釋久之
真賊得公之心自九商族黨咸爲林夷陵祝
齡矣其勞瘁頗著撫按遂以他邑諸務委之
肅皇帝登極徵爲刑部副郎父老攀援遮送咸
願借寇抵京擢江西僉事持憲嚴明有體久
而擢副使攝南贛兵備會思恩田州聚亂總
制姚公鏌王公守仁後先檄公夾兵討之寇

愧瘖集

行狀

用以平錄勞酬功賚有金帛擢河南按察使
轉右布政未幾擢湖廣左布政隨陞本省巡
撫甫下車間疾苦禁貪婪表節義脩隄防實
軍儲均糧運諸務事興逮歲餘水旱頻仍年
荒民徙加之藩封工役諸需告匱公百心提
挈停工蠲賦以贍流移疏災自劾言觸時忌
飄然還山以讀書養親自娛益強仕年也色
養封中丞招唐翁七年太淑人十一年翁燕
集皆布衣老友公侍立終日亡倦老友謝公

休公不休唐翁日弟子禮當如是蒲至今誦
其孝謹家居二十七載巋然鄉邦典刑嘉靖
間富人某捐學官田若干書生呈其事督學
業已議祀學官公作祀典議謂上有夾添艾
軒諸賢彼曾有駐足地耶同堂而薦歲列有
司之羅拜時受多士之駿奔誰其歆之云云
督學聞而寢其事談者快之郡治脉接梅峰
文治孕毓華要據山脊治第謬信堪輿家用
斬關法勿令下漏公以此郡氣脉所宜遺書

愧瘖集

行狀

九

長吏備言不可狀長吏嚙弗問越兩日已深
三尺公以事急矣即同抑齋鄭公扣公門拉
長吏共止其役其憂時孤憤往往如此時觀
風使君若李公元陽李公鳳翔暨金公城陳
公宗夔曾公佩趙公孔昭等累疏特薦或謂
負經濟之才識足以議政決疑抱忠讜之節
力足以扶顛持危或謂世務鍊達迎刃可解
忠憤激烈任重奚難或謂德望夙著于中外
行誼見重于鄉評年力尙強試之輒效經畧

素熟久而益精此則屢經推薦相同堪以大任者也而公朋松石介之操若終焉

肅皇帝末年南北多事朝議推公定難才柄國欲植公為重每諭意所親公遙謝之曰陶弘景籠頭之牛僕已稔之鐘鼎山林各適天性漁樵歌咏亦可粉澤太平時或斗篷短衣與朋舊登山遊玩論文賦詩飲酒自樂然而忠貞天植憫時憂世之念未嘗少輟聞及時事可駭愕輒撫膺痛哭厚於宗族親舊有事極

愧瘖集 行狀

十

力扶之其先世墳墓祠宇或捐貲脩復或割田供祀至創建五代家廟尤殫厥心唐翁太淑人辰諱則哭泣盡哀時論謂公孤忠大節可尚又優於文辭有愧瘖集若干卷行于世文駕韓柳詩入唐奧人珍半刺有踰九鼎益得于艾軒素翁家法深矣公生弘治戊申十三月初七日寅時卒於嘉靖庚申十二月十三日寅時享年七十有三癸亥歲葬于華巖雞足峰與封君合窆焉唐翁晚舉幼弟大輪公

愛之撫之夷於己子卒成立領嘉靖乙卯鄉薦任餘杭縣知縣男四長敦復履歷都勻府知府有靖寇功蒙欽賞所著有屏東集淑人黃出娶布政使周公宣女封安人敦履郡庠生側室黃出娶提學副使顧公陽和女敦良邑庠生側室王出娶知府鄭公懋德女敦乾邑庠生側室方出娶副使高公超女女二一適知州黃公大中孫生員逢恩一適布政使朱公鳴陽子生員士隆俱側室鄭出孫男六

愧瘖集 行狀

十一

敦復生肇曾邑庠生敦履生次曾唯曾敦良生憲曾慶曾敦乾生懋曾公始終完節例應卹典天地雨露之恩有待焉余在告多年父子弟兄侍公教澤文獻列傳紀公未悉茲諸孤以行狀請不揣後拙其大要以俟夫立言者

愧瘖集行狀終

愧瘖集卷之一

莆田二山野人林大輅稿

四言古

經始墨池書室

州庠衢西直百武有水曰墨池相傳郭璞寓此注雅成化間據於世家垣而園之予到州適久雨頽垣州師生援舊志求歸于官予核而歸之師生懇言曰可規度作書室予乃從事焉

粵茲墨池其源澄思疇其圃之亦未為期經始堂室于庠焉司人言振古徒庸弗疑

愧瘖集

一卷

一

粵茲墨池其流弗疏而瀆可舟而勝可廬爰作棟宇隱如章如弦誦之教日月居諸

曦煦于旦泉甘于津魚遊于藻木榮于濱效順乃靜合靈乃真翳茲卜築癸晦之辰廣文有則

多士詵詵
右墨池三章二章章八句一章章十句

墨池書室紀成

章章紫雲藹藹同文粵新太觀堂宇其勲君子戾止有蘭斯芬曷以紀逢明明我君

景星輝輝墨池冷冷書室考成墳典為經君子

戾止有蘭斯馨曷以志私鑒彼山靈

粵惟論古注雅奚廬晉人貞蘊今侈其譽青衿

秩秩爰讀爰居賢關伊邇曷言躊躇

維山有桂維江有鱉桂榮者清鱉躍者深泮西

名物臻臻于今偕爾廣文載歌茲銘

紫雲四章章八句 曰紫雲休徵也宅勝振文古之跡也

黃陵卽事四章

楚蜀峽險行者多覆舟在夷陵域黃陵上下往往見之舟覆人滿濱江之人操

愧瘖集

一卷

二

舟救之黠者掠飄囊浮篋盡取無遺溺者生則詰于官逮繫險時多瘦死嗣溺者周救或伺隙刺浮利其有子到夷陵再見聞之嗟嗟閱焉乃為之約救人者遺物平分贏則三之一匱則量與知者保者公持之詐讓反覆官則治焉詳議于當道勵子必行剛是無弗援之溺無奪貨之橫無獄死之夫子還往黃陵舟夫相俟陳狀予乃紀之

三峽狂濤湯湯怒號上流緣蟻百丈持牢下流

震霆錯石浮鼉津人拯溺寄命毫毛溺也不死

疇憫其勞願言惠利舩舫焉操

砥戟如麻眩觀咄嗟三珠百仞冥象蝦蟇鬼神

闕險日月韜華吹鯨駭浪分閩流巴津人拯溺
舳舻為家妻孥飢渴孰解紛拏廟前三巨石相
去百餘仞謠言

日三珠象
如蝦蟇然

秭歸斗城峽江深情微茫舟楫戒候陰晴刺篙
如失風與水爭黃陵舟子水裔經營如鷺浮沒
於人載生邀馬嬰稚偶語歡迎
鄙人凌競半刺奚能津夫在御突馬奔騰活人
者報分金與繪簡書作戒貪狼營蠅眷茲民隱
力行允徵輿言倅甫天日西陵

愧瘖集

一卷

三

淮陰義婦詠

徐節孝集云淮陰義婦富商之妻李氏
有姿色邑人有同商者見而悅之因道
殺其夫厚為棺殮持其喪以歸給云溺
死且盡歸其財毫無私焉於是伺其除
葬謀為婚媾且自陳有義於其夫義婦
亦為之感泣遂許嫁之乃一日家有大
水水有浮漚其夫輒顧而笑義婦問之
未應遂固問之恃已生二子不虞其妻
之讐已溺復以實告之曰前夫之溺我
所為已溺復出勢將自救我以篙刺之
遂得沉去所刺之處浮漚之狀正如今
日所見義婦默然始悟其計而復讐之
心生矣即日伺其便即以其事奔告有
司卒正其獄棄其讐子夫讐既報又自
念以色累夫以身事讐二子讐人之子
也義不可復生即縛其子赴淮投之于

水已而自投焉子過淮陰細詢遺跡古
已忘矣然而讀節孝之述激其義千古
元貞豎人毛骨噫
吁尚俟微言耶

緊哲婦傾城兮奚言累夫彼毀貌自藏兮乃寶
其軀嗟嗟富商兮儷茲少姝
爾商溺死兮爾財能歸婚以報恩兮孰是與非
嗟嗟殺商兮鬼司其機
惟口禍階兮疇能食之篙以刺浮兮賊毒爾私
胡浮漚同形兮魍魎之辭
片言復讐兮而心匪石讐其二子兮三沉其骸

愧瘖集

一卷

四

幽憤皇皇兮淵淵白壁

人皆有生兮爾生可愕人皆有死兮爾死可作
高天烈日兮虺蛇潛伏神其來游兮黯然
文姬寡兮妻于胡人歸而嫁兮復辱其身列傳
侈言兮萬襖沉淪我歌慷慨兮若子若臣

北神烈婦詠

徐節孝集云烈婦有美色夫為小商舟
行上下載以自隨至于北神其夫病死
貧無以殮同舟富商者假貸與之喪費
所須一切皆具是時有恩願其妻以
為已物烈婦既葬之三月後墓以歸勢
且甚迫遂取其嬰兒縛置胸前母子號